



Broj: 01-3-358/2020

Datum : 31.03.2020.godine

Na osnovu člana 57. stav (1) Zakona o osnovnom odgoju i obrazovanju Kantona Sarajevo („Službene novine Kantona Sarajevo“ br : 23/17, 33/17 i 30/19), a u vezi sa Odlukom Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID 19), broj: 02-4-7986-1.1/20 od 18.03.2020.godine, direktor Javne ustanove Osnovna škola“6. mart“ Hadžići, objavljuje :

POZIV

ZA UPIS DJECE U PRVI RAZRED OSNOVNE ŠKOLE ZA ŠKOLSKU 2020/2021. GODINU

I. Upis djece u I razred osnovne škole vršit će se u APRILU, u terminu od 01.04. do 30.04.2020.godine.

U izuzetnim opravdanim slučajevima upis djece će se obaviti i u augustu, te se pozivaju roditelji/staratelji da djecu prijave za upis u aprilskom roku, a samo **izuzetno**, uz opravdane razloge mogu se prijaviti u **augustu**.

II. U prvi razred školske 2020/2021. godine će se upisati djeca koja do 01.03.2020. godine imaju navršениh 5 i po godina života.

Škola može omogućiti upis i djetetu mlađem od utvrđene starosne dobi za početak obaveznog odgoja i obrazovanja, uz pismeni zahtjev roditelja/staratelja djeteta i ako škola, nakon što razmotri preporuke Komisije za upis učenika u prvi razred, bude sigurna da je to u najboljem interesu djeteta.

Upis djeteta mlađeg od utvrđene starosne dobi može se izvršiti samo ako dijete do kraja kalendarske godine puni šest godina života.

III. Školsko područje Javne ustanove Osnovna škola „6. mart“ Hadžići obuhvata sljedeće ulice :

Hadželi i to od ulaza u Hadžiće sa puta M-17 iz pravca Sarajeva, od broja 2. do broja 277., osim brojeva 1,7 i 9, Džamijska, 6. mart, Omladinska, Dupovci, Dupovci I, Dupovci II, Gradac, XII Hercegovačke brigade, Ban Brdo, Ceribašin do, Kućice I, Kućice II, Utržje, Grivići, Stari Grivići, Vrbica, Sajnica, Vihrica, Vrančići, Vrančići I, Vrančići-Novo Naselje, Novo Naselje I, Novo Naselje II, Buturovići kod Drozgometa, Drozgometa, Bare, Bare I, Put za Gajice, Koščan, Mokrine, Igmanski put od broja 2 do broja 104 (parni brojevi), Igmanska, Igmanska I, Brezovačka, Veksel, Dubravice, 27. juli, Žunovačka, Žunovačka I, Iznad pruge, Novo naselje, Rije, Stara pruga, Strma, Tinohovska, Kasatići, Kasatići-Brca, Kasatići-Prohe, Kasatići-Vikend naselje.

U skladu sa članom 54. stav 6. Zakona o osnovnom odgoju i obrazovanju, po zahtjevu roditelja, Škola može upisati i učenike koji ne pripadaju navedenom školskom području, u skladu sa raspoloživim prostornim i kadrovskim kapacitetima, uz obavezu poštivanja Pedagoških standarda i normativa za osnovnu školu („Službene novine Kantona Sarajevo“, broj 30/18).

IV. Za upis djece u prvi razred školske 2020/2021. godine, potrebno je da roditelj/staratelj djeteta popuni aplikativni obrazac „Prijava za upis djeteta u prvi razred 2020/2021.godine“, te popunjeni obrazac dostavi na e-mail adresu škole : os6mart@bih.net.ba ili putem pošte na adresu : Javna ustanova Osnovna škola „6.mart“ Hadžići, ulica 6. mart br.1, 71240, Hadžići.



V. Dokumentaciju za upis djece u prvi razred osnovne škole roditelji/staratelji dužni su dostaviti po okončanju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na adresu škole.

Obavezna dokumentacija za upis djece u prvi razred osnovne škole :

- Izvod iz matične knjige rođenih (original ili ovjerena kopija) ;
- Ljekarsko uvjerenje o psihofizičkom stanju djeteta za upis u školu i zdravstvenom statusu s opisom poteškoća ;
- Certifikat/ uvjerenje da je dijete pohađalo Obavezni predškolski program za djecu u godini pred polazak u školu koju izdaje predškolska ustanova ;
- CIPS prijava boravka, kao dokaz o pripadnosti školskom području-na uvid.

O terminu dostavljanja navedene dokumentacije i testiranju roditelji/staratelji djece će biti blagovremeno obaviješteni, putem internet stranice Škole.

Sve dodatne informacije možete dobiti putem e-mail adrese škole : **os6mart@bih.net.ba**.

Direktor škole
mr. sci. Čović Muhamed

Dostavljeno :

- Oglasna ploča ;
- www.os6mart.edu.ba
- a/a